

ԱՂԲԻԱՆՈՍՆԵՐԻ ՀԱՅՐԱՊԵՏԱԿԱՆ ՏՈՀՄԸ

ՎԱՐԴԱՆՅԱՆ Վ.Մ.

Հայաստանի IV-V դդ. եկեղեցական պատմության մեջ աչքառու դեր ունենին Աղբիանոսյան տան հոգևորականները: Տոհմի նախնի է հիշվում Աղբիանոսը: Ըստ Ագաթանգեղոսի, Գրիգոր Լուսավորիչը «զոմանս յորգւոց քրմացն... ձեռնասունս առնէր. փոյթ ուսման ի վերայ ունէր ընդ հոգևոր խնամով և երկիւղիս սնուցանել... որոց առաջնոյն՝ Աղբիանոս անուն, որ ապա կողմանցն Եփրատական գետոյն լինէր վերակացու»¹: Պատմագրի հավաստմամբ, Աղբիանոսը այն տասներկու քրմորդիններից էր, որոնց Գրիգոր Լուսավորիչը ձեռնադրեց եպիսկոպոս²: Գրիգորն այդպիսով ջանում էր հնարավորինս ցրել երկրի գիցաշունչ մթնոլորտը: Այդ կերպ, Հայոց եկեղեցու նվիրապետական համակարգը համարվեց քրմական դասի ներկայացուցիչներով: Բր հերթին, քրմությունն, ընդառաջ գնալով Գրիգոր Լուսավորչին, հույս էր ականկալում պահպանել իր առանձնաշնորհյալ կացությունը, հողատիրությունները և հայ մտաշխարհում ունեցած առաջնությունը: Ագաթանգեղոսի հունարեն խմբագրության (Վարքի) մեջ ասվում է, որ Գրիգորը Հայոց Տրդատ III թագավորին առաջարկում է «քրիստոնյա դարձնել քրմերին», որոնք միակամորեն ընդունում են նոր կրոնը³:

Անյուշտ, Գրիգորը չի սահմանափակվել միայն քրմորդիններին եպիսկոպոսներ կարգելով: Ագաթանգեղոսը վկայում է, որ մեհենապատկան կալվածքների հետ միասին հեթանոսական տաճարների սպասավոր քրմերը «ի ծառայութիւն նուիրեցին եկեղեցւոյ սպասաւորութեան»⁴: Գրիգոր Լուսավորչի կանխատես ձեռնարկումների շնորհիվ Հայ առաքելական եկեղեցու ծիսակարգի մեջ մուծվեցին դարերից ի վեր ժողովրդին հոգեհարազատ դարձած դիցավանդ ծեսեր, հավատալիքներ: Այդպիսով հնարավոր դարձավ ազգայնացնել քրիստոնեությունը՝ նրան ներարկելով դիցական ժամանակների շունչն ու ոգին:

Ագաթանգեղոսի հունարեն խմբագրության հավաստմամբ՝ Գրիգորի ժամանակ Հայաստանում քրիստոնեացված քրմերն անցյալում բերվել էին Հունաստանից՝ Հայոց մեհյաններում սպասարկելու համար⁵: Հայաստանի հեթանոսական տաճարներում հույն քրմերի ծառայության մասին վկայված է նաև Մովսես Խորենացու «Հայոց պատմության» մեջ⁶: Հույն քրմերը Հայաստանում հելլենիստական քաղաքակրթության նախանձախնդիր սերմանողներն էին և

¹ Ագաթանգեղոս, Պատմութիւն Հայոց, աշխ. Գ. Տէր-Մկրտչեանի և Ստ. Կանայեանցի, Տփղիս, 1909, էջ 441-442:

² Նույն տեղում:

³ Garitte G., Documents pour l'etude du livre d'Agathange, Vaticano, 1946, p. 101.

⁴ Ագաթանգեղոս, էջ 406: Հայոց կանոնագրքում նշվում է, որ Տրդատ Մեծը «ոչ սակաւ տայր աւժիտս մերձակայից իւրոց սպասաւորացն, և որդւոցն քրմաց պարգևէր բազում պարգևս, ասելով եթե՝ «Արդէն հարիւրապատիկ առնուցուք ինչս և ստացուածս, և և երախարիս և պտուղս յեկեղեցւոյ Աստուծոյ...» (տե՛ս Կանոնագիրք Հայոց, Բ, աշխ. Վ. Հակոբյանի, Ե., 1971, էջ 231):

⁵ Garitte G., Documents, p. 101.

⁶ Մովսիսի Խորենացւոյ Պատմութիւն Հայոց, աշխ. Մ. Աբեղեանի և Ս. Թարգմաթիւնեանի, Տփղիս, 1913, էջ 127:

Ազաթանգեղոսը Գրիգորի ձեռնադրած 12 եպիսկոպոսներից սոսկ երկուսի՝ Աղբիանոսի ու Եվտադիոսի առաջնորդությամբ ենթակա չըմաններն է հիշում, նկատի առնելով հետագայում նրանց ենթակա թեմերը: Նա մնացած տասը եպիսկոպոսների անուններն է սոսկ նշում: Պատմագիրը հիշյալ եպիսկոպոսների մեջ առաջնություն է վերապահում Աղբիանոսին՝ նրան հիշելով առաջին տեղում: Առաջնությունը կարող էր դրսևորվել ոչ միայն քրիստոնեության տարածման գործում Գրիգոր Լուսավորչին Աղբիանոսի ցուցաբերած օժանդակության, այլև Տրդատ III-ի հետ նախկինում ունեցած նրա մերձակցության շնորհիվ: Այն շարունակվեց նաև քրիստոնեության տարածումից հետո: Քրմորդիներին նոր կրոնի սպասավորներ կարգելու գործում, անշուշտ, էական դեր էր վերապահված Տրդատ III-ին: Քրիստոնեությունը պետականորեն ընդունվեց Հայաստանի վերնախավի կողմից, որի գերազգեցիկ թևն էր քրմությունը: Ուայլս և Հունարենին ու ասորերենին քաջագիտակ, բանավոր քարոզչությամբ հայլեզուն ճոխացրած այդ խավը, բնականաբար, իր նպաստը բերեց նոր կրոնի պետականացման գործին, ժողովրդին հասու դարձրեց Հունարեն և ասորերեն լեզուներով գրված քրիստոնեաբանական գրքերին, նոր կրոնի գազափարաբանությանը: Ազաթանգեղոսը նշում է, որ Աղբիանոսը Գրիգորի կողմից առաջնորդ է կարգվել Հեթանոսության ազգեցիկ և ընդվզուն կենտրոններից մեկում՝ «կողմանցն եփրատական գետոյն»⁸ (նկատի ունի Մանազկերտ քաղաքն իր գավառով): Ազաթանգեղոսի արաբերեն խմբագրության մեջ ասվում է, որ Աղբիանոսը նշանակվել է Տարոնի ու Բզունիքի հովվապետ⁹: Բայց մատենագիրները սովորաբար Աղբիանոսյանների առաջնորդությանը ենթակա թեմ են հիշում Մանազկերտը: Այդ տոհմը հավանաբար սերում էր Մանավազյաններից: Սկզբնապես Աղբիանոսը եկեղեցաթեմ չունի, բայց իր ազգեցիկ դերի շնորհիվ Գրիգորը «զԱղբիանոս զայր ճշմարիտ և աստուածասէր» վերակացու թողղոյ արքունական դրան բանակին»¹⁰, այսինքն՝ Այրարատ նահանգում, որտեղ նա, հավանաբար, վարում էր Գրիգորի տեղապահի պաշտոնը: Այդպիսով, քրմական դասն, ի դեմս Աղբիանոսի, կարողացավ առաջնակարգ դիրքերի հասնել նաև Հայաստանի քաղաքական կենտրոնում: Ենթադրվում է, որ Ազաթանգեղոսի հիշատակած 12 եպիսկոպոսները Հայոց Հայրապետանոցին կից ժողով էին կազմում¹¹: Եթե նման հեղինակավոր կաճառը, իրոք, ձևավորվել է քրմության միջավայրից ելած Հոգևորականներից, սպա դա կարող է միայն վկայել նրանց գերազգեցիկ գործառնության մասին:

⁸ Ա գ ա թ ա ն գ ե ղ ո ս , էջ 441 .

¹⁰ Ագաթանգեղոս, էջ 442:

¹¹ Տե՛ս Օրմանեան Մ., Ազգապատում, Ա. Կ. Պոլիս, 1912, էջ 99:

Ագաթանդեղոսի Հունարեն խմբագրութիւնը Աղբիւսնոսին հիշում է նաև Աղբիւսնոս (Ալբիւսոս) ձևով¹² : Նույնն ենք տեսնում նաև արաբերեն Վարքում, որը թարգմանված է Ագաթանդեղոսի Հունարեն խմբագրութիւնից : Մ.Ջամշյանը կարծում է, թե Աղբիւսնոսը և Աղբիւսնոսը (Ալբոսը) տարբեր անձեր են, և որ Ալբոսը «եղև եպիսկոպոս արքունի դրան»¹³ : Սակայն, ինչպես տեսանք, «արքունի դրան եպիսկոպոս» (կաթողիկոսական տեղապահ) էր կարգվել նույն Աղբիւսնոսը : Մեկ այլ ենթադրութիւն Համաձայն, Աղբիւսնոսը (Աղբիւսոսը) ավելի վաղ է ապրել, քան Աղբիւսնոսը և մինչև Գրիգոր Լուսավորչի Հանդես գալը եղել է Հայաստանում հովվող եկեղեցականներից մեկը¹⁴ :

Հայերեն Ագաթանդեղոսը հիշում է միայն Աղբիւսնոս անունը : Ըստ երևույթին, վերջինիս կրկնակ անունները հետևանք են այն փաստի, որ Հունարեն խմբագրութիւն Հեղինակն օգտվել է Ագաթանդեղոսի երկասիրութիւն տարրեր ձեռագրերից, որոնց մեջ եղել է նաև Ալբիոս անվանաձևը¹⁵ :

Ագաթանդեղոսը վկայում է, որ Գրիգորի հորդորմամբ «տայր հրաման թագաւորն Տրդատ իւրոյ իշխանութեանն յայնարհաց և ի գաւառաց բազմութիւն մատաղ մանկուոյ ածել յարուեստ դպրութեան, և կարգել ի վերայ հաւատարիմ վարդապետս. առաւել զազգս պղծագործ քրմացն և զմանկունս նոցա ի նոյն ժողովել... Եւ զնոսա յերկուս բաժանեալ, զմասնս յԱսորի դպրութիւն կարգեալ, և զմասնս ի Հելլէն»¹⁶ : Հասկանալի է՝ նշյալ դպրոցներում դասավանդել կարող էին քրմական դասի ներկայացուցիչները, քանի որ նրանք էին ուսյալ դասը : Դպրոցները բացելուց հետո Գրիգորը, Աղբիւսնոսին թողնելով իրեն տեղապահ, հեռանում է Լեւոնի դպրոցները : Նորաբաց դպրոցներն Այրարատում էին՝ Վաղարշապատում : Նրանց վերահսկողութիւնը հարկ է, որ կատարեր Աղբիւսնոսը, որը, հավանաբար, նաև դասավանդում էր դպրոցներում : Իհարկե, դպրոցների նկատմամբ հոգածու էր նաև Գրիգոր Լուսավորիչը, որը, երբ անհրաժեշտ էր, այցելում էր մայրաքաղաք և չէր վարանում «զօրացուցանել զաշակերտեալսն ճշմարտութեան հոգւով... Եւ յորդորագոյնս և պարարտագոյնս և անփակ բերանով զվտակս վարդապետութեանն ի սիրտս լսողացն սերմանեալ ծաւալեցուցանէր...»¹⁷ : Դպրոցները նպատակ ունեին պատրաստել նոր կրօնի սերմնացաններ : Այդ գործին բանական ու նպատակասլաց ընթացք տալու համար անհրաժեշտ էր Աղբիւսնոսի և, ընդհանրապես, քրմութիւն աջակցութիւնը :

Աղբիւսնոսին իրեն տեղապահ նշանակելով՝ Գրիգորը բնավ էլ հակված չէր նրան իր հաջորդը կարգելու գաղափարին : Այրարատում Աղբիւսնոսը երկար չմնաց, այլ կարգվեց «վերակացու» (եպիսկոպոս) «կողմանցն Եփրատական գետոյն» : Այդ է պատճառը, որ ոչ մի աղբյուրում Աղբիւսնոսը չի հիշվում Այրարատի եպիսկոպոս, քանի որ Այրարատը մնում էր Գրիգորի իրավասութիւն տակ¹⁸ :

¹² Garitte G., Documents, p. 102-103.

¹³ Ջամշյան Մ., Պատմութիւն Հայոց, Ա., Վենետիկ, 1784, էջ 396:

¹⁴ Անանեան Պ., Քրիստոնեութեան հետքեր Հայաստանի մէջ Ս.Գրիգոր Լուսավորչի քարոզութենէն առաջ, Վենետիկ, 1979, էջ 26-27:

¹⁵ АѲОМѲН., նշվ. աշխ., էջ 341:

¹⁶ Ագաթանդեղոս, էջ 438:

¹⁷ Նույն տեղում, էջ 444:

¹⁸ Հմմտ. Տէր-Մինասեանց Ե., Հայոց եկեղեցու յարաբերութիւնները Ասորուց եկեղեցիների հետ, Ս.Էջմիածին, 1908, էջ 38-39:

Աղբիւնոսին կարևոր գործառույթներով օժտելը և կաթողիկոսական տեղապահ թողնելը նպատակ էր հետապնդում նաև նոր կրոնի հետ հեթանոսության և նրա մոլեկրոն հետևորդների ու սպասավորների հաշտեցումը: Աղբիւնոսի ջանքերով և Տրդատ Մեծի ու Գրիգոր Լուսավորչի լայն աջակցությամբ քրմորդիների զգալի մասն ընդգրկվեց նորաբաց դպրոցներում ուր, ինչպես տեսանք, ուսուցումը տարվում էր ժամանակի քրիստոնեաբանության լեզուներով՝ հունարեն և ասորերեն: Գալոցների շրջանավարտները, հոգևորապես վերակազմավորվելով, դարձան նոր կրոնի ջերմեռանդ սերմանողներ: Հասկանալի է, նրանք պետք է ապահովվեին նաև նյութապես՝ համարելով քահանայական դասը: Քրմության քրիստոնեացված սերունդները Աղբիւնոսի առաջնորդությամբ հավատարիմ մնացին նաև Հայոց ազգային հինավուրց ավանդներին, ջանալով դրանք ներհյուսել քրիստոնեությանը: Անշուշտ, նրանց ընդառաջելով էր, որ հելլենաճաշակ Գրիգոր Լուսավորիչը չվարանեց քրիստոնեացնել հեթանոսական առավել ազդեցիկ տոնախմբություններն ու խորհրդածեսերը: Աղբիւնոսն ու մյուս քրմերը, այդպիսով, էականորեն նպաստեցին քրիստոնեության ազգայնացմանը: Նրանք, ինչպես հավաստում է Ագաթանգեղոսը, դարձան նաև քրիստոնեաբաններ՝ «մարգարէադետք և առաքելածանօթք և աւետարանաժառանգք»¹⁹: Անշուշտ, Աղբիւնոսի և մյուս քրմերի ու նրանց ժառանգների օգնությամբ զգալապես սատարեց Հայոց ծիսական կարգը և վանական-եկեղեցական-համերկրային համակարգը ստեղծելու գործին:

Հայաստանում քրիստոնեությունն առաջին հերթին ընտանի դարձավ վերնախավում, առանց որի, բնականաբար, նոր կրոնը չէր կարող պետականացվել: Բայց այն երկար ժամանակ խորթ մնաց ժողովրդի լայն զանգվածներին: Այդ բացը լրացնելու համար անհրաժեշտ էր ազգայնացնել քրիստոնեությունը, հայերեն լեզվով հանրությանը մատուցել նրա գաղափարները: Այդ գործում էական էր քրմության դերը, քանի որ իբրև կրթված ու գրագետ խավ, նա կարող էր նոր կրոնի գաղափարները բանավոր մատուցել ունկնդիրներին՝ նրանց հասցնելով քրիստոնեության քարոզած ճամարությունները: Այդ ընթացքում, բնականաբար, պետք է որ ավելի մշակվեր Հայոց լեզուն: Դավանական և պաշտամունքային բազմապիսի խնդիրներն արտացոլում գտան Գրիգոր Լուսավորչի անունով մեզ հասած կանոնական դրություններում²⁰, որոնցով հարկ էր որ առաջնորդվեր կաթողիկոսական տեղապահը՝ քրիստոնեության առջև ծառացած ղեկավարությամբ հարցերի պատասխանները գտնելու համար: Բայց, ինչպես կարելի է կռահել Ագաթանգեղոսի հունարեն խմբագրությունում եղած մի վկայությունից, երբ Գրիգոր Լուսավորիչը դիմեց ճգնակեցության, երկրում խաթարվեցին ներեկեղեցական հարաբերությունների օրինակարգման, քրիստոնեական իրավակեցության նորոնոր ձևավորվող գործընթացները: Իրենց կենսունակությունը դրսևորեցին դիցական անցյալի հնօրյա հավատալիքներն ու կենսակերպը: Ուստի, ինչպես վկայված է հունարեն «Վարքում», Տրդատ թագավորը և դեռևս Այրարատում գտնվող Աղբիւնոսն ի գորու չեղան անհրաժեշտ պայքար կազմակերպել հեթանոսության դեմ: Տրդատն ստիպված մեկնեց Դրիգորի մոտ և նրան խնդրեց

¹⁹ Ա գ ա թ ա ն գ ե ղ ո ս , Ճ , էջ 438:

²⁰ Տե՛ս Կանոնագիրք Հայոց, Ա, ալխ. Վ. Հակոբյանի, Ե., 1964, էջ 245 և հտ.: Ենթադրվում է, որ այդ կանոնները Գրիգորին հանձնվել էին Կեսարիայում նրա ձեռնադրվելու ժամանակ (տե՛ս Ն. Ակիսեան, Գրիգոր Լուսավորիչ), Հանդէս ամսօրեայ, 1949, էջ 57: Սակայն նման ենթադրությունը հավաստող որևէ կովան չկա:

վերադառնալ մայրաքաղաք, մնալ արքունիքում²¹: Սակայն Գրիգորը մերժեց արքային, շարունակելով ճգնակեցիկ կյանքը: Գուցե այս ժամանակ Տրդատ Անի և Գրիգորի միջև համաձայնություն է կայացել վերջինիս կրտսեր որդի Արիստակեսին կաթողիկոս կարգելու շուրջը: Աղբիւնոսը դեմ էր նման ընտրության, և ինչպես ցույց տվեցին հետագայի անցքերը, նա սատար կանգնեց Լուսավորչի ժառանգներին²²: Գրիգորը, ի դեմս որդիների, ջանում էր Հայոց կաթողիկոսությունը դարձնել իր տոհմի ժառանգական մենաշնորհը: Թագավորը դեմ էր նրա այդ նպատակադրմանը: Նա հասկանում էր, որ Հայոց հայրապետական իշխանությունը հաստատուն հիմքերի վրա գնելու համար այն պետք է ձևավորվեր ժառանգական սկզբունքով, հետևելով թագավորական իշխանությանը: Հենց նրա նախաձեռնությամբ էր, որ Գրիգոր Լուսավորչի որդիները՝ Վրթանեսն ու Արիստակեսը, Կեսարիայից տեղափոխվեցին Հայաստան, և Գրիգորը Տրդատի առաջարկով եպիսկոպոս ձեռնադրեց Արիստակեսին: «Ապա, - դրում է պատմագիրը, - աղաչեաց երանելի թագաւորն Տրդատ զսուրբն Գրիգորիոս, զի փոխանակ այնր, զի ոչ հաւանեցաւ նա կալ և շրջել ընդ նմա և սիրեաց զմենաւորութեան կեանս՝ ձեռնադրեսցէ և տացէ նմա եպիսկոպոս զսուրբ որդին իւր, զոր ետ ածել ինքն՝ զԱրիստակէս»²³: Բնականաբար, նման պայմաններում Աղբիւնոսը չէր կարող հավակնել Հայոց հայրապետության գահաթոռին: Որդուն ձեռնադրելուց հետո Գրիգորը վերադարձավ ու շարունակեց քարոզչությունը, սատար կանգնելով նրան. «Մեծն Գրիգորիոս, - գրում է Ագաթանգեղոսը, - ելանէր զտեղեօքն կարգելովք և զդաւառօքն աշակերտելովք յաշխարհին Հայոց՝ զուարթացուցանել, զօրացուցանել, նորոգել և հաստատել զամենեսեան»²⁴:

Արիստակեսն ու Վրթանեսը Հայաստան ժամանեցին հավանաբար 312թ., երբ լարված էին հայ-հռոմեական հարաբերությունները: Նույն թվականին Հռոմի Մաքսիմիանոս կայսրը պատերազմ էր սանձագերծել Հայաստանի դեմ՝ քրիստոնեությունն այնտեղից արմատախիլ անելու, Հայաստանը կախման մեջ դնելու միտումով, սակայն չարաչար պարտվել էր²⁵: Ստեղծված պայմաններում Գրիգորի որդիները հալածանքներից խուսափելու համար հարկ էր հեռանալին Կեսարիայից: Իացի այդ, կայսերական զորքերին հակահարված կազմակերպելու համար անհրաժեշտ էր ամրապնդել հայ եկեղեցու հիմքերը, ժողովրդի մեջ վառել նոր կրոնի գաղափարները: Թերևս, այդ նպատակով էր, որ Գրիգորը ժամանակավորապես թողեց ճգնակեցիկ կյանքը և վերադարձավ Վաղարշապատ:

Արիստակեսը, այդպիսով, 312 թվականից դարձավ կաթողիկոսական տեղապահ: Բայց Աղբիւնոսը պահպանեց եպիսկոպոսական կարգը և կարևոր

²¹ Garitte G., Documents, p. 114.

²² Ե. Տեր-Մինասյանի կարծիքով, «Աղբիւնոսի տունը սկզբից ևեթ միանում է Հայաստանում տարածված ասորիների և ասորական ազդեցության տակ գտնված կուսակցության հետ, որպեսզի իբրև մրցակից ավելի հաջողությամբ կարողանա կռվել հելլենական ազդեցության ներկայացուցիչ Գրիգոր Լուսավորչի տան օրեցօր աճող ազդեցության ու հեղինակության դեմ» (տե՛ս Տէր-Մինասյան Ե., նշվ. աշխ., էջ 40): Բայց այդ դեպքում ինչո՞ւ պետք է Գրիգորը Աղբիւնոսին թողներ իրեն տեղապահ՝ նրան վստահելով հայրապետական գործառույթները:

²³ Ագաթանգեղոս, էջ 452-453:

²⁴ Նույն տեղում, էջ 453:

²⁵ Եւսեբիոսի Կեսարացւոյ Պատմութիւն եկեղեցւոյ, Վենետիկ. 1877, էջ 688:

գործառնությունները պետական-քաղաքական ոլորտներում՝ թե Արխատակեսի և թե Վրթանեսի կաթողիկոսության ընթացքում, երբ նա կատարում էր Հայոց թագավորի և կաթողիկոսի քաղաքական առումով հրատապություն ունեցող հանձնարարությունները: Այսպես, երբ խոսքով Կոտակ թագավորի օրոք, 330-ական թթ. սկզբներին ամբողջ սրությամբ իրենց զգալ տվեցին միջիշխանական ներհակությունները, ալեկոծելով երկրի ներքաղաքական, նաև եկեղեցական կյանքը, սպառնալով երկրի միասնությանը, Աղբիանոսը սատար կանգնեց Վրթանես կաթողիկոսին և խոսքով III թագավորին:

Փափստոս Բուզանզը գրում է, որ Վրթանեսն ու Աղբիանոսը ջանում էին կասեցնել Հայ նախարարների միջև ծագած գժտությունները, թույլ չտալ, որ դրանք վերածվեն փոխադարձ բնաջնջման և սասանեն թագավորի ու կաթողիկոսի հեղինակությունը: Սակայն նախարարների միջև ընթացող կռիվները ոչ միշտ էր Հաջողվում դադարեցնել առանց զինական միջամտության: Այդ կռիվներն առանձնակի ուժով իրենց զգալ տվեցին Հարավային Հայաստանի երկու գավառատեր նախարարների՝ Մանավադյանների և Որդունիների միջև ընթացող պայքարում, որը խլեց բազում կյանքեր, զգալիորեն Հարվածելով նաև թագավորի ու կաթողիկոսի հեղինակությանը: Կովազան նախարարներին Հաշտեցնելու առաքելությամբ խոսքով III թագավորի և Վրթանես կաթողիկոսի կողմից Աղբիանոսն ուղարկվեց նրանց մոտ՝ պատերազմի բոցը մարելու ակնկալիքով: Քանի որ Աղբիանոսն առաջնորդում էր Մանավադյանի եկեղեցաթեմը, որը Հարևան էր Մանավադյան և Որդունի տոհմերի կալվածներին, ուստի թվում էր, թե նա կկարողանա Հաշտության եզրերի Հանգեցնել միմյանց դեմ պատերազմող նախարարներին՝ գործադրելով Հովվապետի իր հեղինակությունը: Սակայն Աղբիանոսին չհաջողվեց Հաշտեցնել նրանց: Ըստ երևույթին, նախարարական այդ տոհմերն ունեին Հեթանոսամետ դիրքավորում, կողմնորոշվում էին դեպի Սասանյանները, խրախուսվում նրանց կողմից: Անշուշտ, նրանց միջև ծավալված պայքարը կազմալուծում էր Հայոց ռազմուժը, հեղինակազրկում Հայոց թագավորին: Այն «ինքնին արդեն մի ապացույց է խոսքով III-ի հեղինակության և թագավորական իշխանության թուլության», - գրում է ակադեմիկոս Հ.Մանանդյանը²⁶: Աղբիանոսը ջանում էր Հաշտեցնել նախարարներին և իր տոհմը փրկել անխուսափելի կործանումից: Սակայն միմյանց դեմ արյունահեղ կռիվներ մղող Մանավադյան և Որդունի տոհմերի նախարարները քամահրեցին թե՛ նրան և թե՛ թագավորին ու կաթողիկոսին (որոնց անունից էր Աղբիանոսը փորձում Հաշտեցնել նրանց): Նախարարներն անարգական վերաբերմունք ցուցաբերեցին նրա Հանդեպ՝ պարսավանքով ու «մեծաւ թշնամանօք» վտարելով իրենց տիրույթներից: Արյունահեղ բախումները Հանգեցրին այն բանին, որ սպարապետ Վաչե Մամիկոնյանը բնաջնջեց այդ տոհմերը:

Այս Հաղթանակից Հետո խոսքով III-ը «ետ գաւանն և զբուն դահոյից գեւղն նահապետին Մանավազէնից եպիսկոպոսին Աղբիանոսի յեկեղեցի. ո՞ր Մանաւազակերտ ամենայն սահմանօքն և գաւառական Հանդերձ՝ որ շուրջ զնոքօք էր, որ կայ ի կողմանս գետոյն Նփրատայ»²⁸: Այս վկայությունից երևում է, որ Մանավադյանի եկեղեցաթեմի առաջնորդ Աղբիանոսն այս ժամանակ ի

²⁶ Փ ա վ ս տ ո ս ի Բ ու զ ա ն զ ա ճ ո յ Պատմութիւն Հայոց (այսուհետև՝ Փավստոս Բուզանդ), ի լոյս ած. Ք. Պ ա տ կ ա ն ե ա ն, Ս. Պետերբուրգ, 1883, էջ 9:

²⁷ Մանանդեան Հ., Երկեր, Բ, Ե., 1978, էջ 145:

²⁸ Փ ա վ ս տ ո ս Բ ու զ ա ն զ, էջ 9:

տիրութիւն է ստացել այդ քաղաքը և հարակից գավառը՝ ի տրիտուր իր օրինապահ ղեկըքավորման: Հավանաբար, նկատի է առնվել նաև Մանավազյան տոհմից նրա ծագումը:

337թ. Մասանյան Շապուհ II արքայի հրահրմամբ խոսրով III Կոտակի դեմ ապստամբեցին Աղձնյաց բղեչիւր և Բզնունիք գավառի նախարարը, որոնց օժանդակում էր հարավային Հայաստան ներխուժած պարսից զորքը: Սակայն հայոց բանակը ջախջախեց խռովարար հայ իշխաններին և նրանց զորակցող պարսից բանակին²⁹:

Նախարարական երկպառակութիւններին վերջ տալուն նպատակաւ ուղղված՝ Աղբիւնոսի հաշտարար առաքելութիւնը հետևանք էր, անշուշտ, նրա բարձր հեղինակութեան և ազդեցութեան: Աղբիւնոսը շարունակեց սատարել Հայաստանի հայրենասեր ուժերին՝ հանդես գալով նրանց անունից մի այնպիսի ժամանակ, երբ Մասանյան մոլեկրոն արքա Շապուհ II-ր մեծապես խրախուսում էր հայոց անջատամետ ուժերին և հենվելով նրանց վրա, ջանում էր փոխել Հայաստանի քաղաքական կողմնորոշումը, որոշ հայ նախարարների աջակցութեամբ այնտեղ վերականգնել հեթանոսական պաշտամունքը՝ զրադաշտականութեան ձեւով, Հայաստանը վերածելով Պարսկաստանի մարզերից մեկի: Ընդհանրապես, Շապուհ II-ի օրոք քրիստոնեութիւնը դիտվում էր որպէս պետութեան թշնամի ուժ³⁰ և, բնականաբար, ըստ ամենայնի պայքար էր ծավալվում նրա դեմ: Շապուհն անլուր հալածանքներ սկսեց այդ կրոնի հետևորդների դեմ և հրաման արձակեց անխնա կոտորել նրանց³¹:

Հայրենասեր ուժերին սատար կանգնելու հանգամանքը երկրում մեծացրեց Աղբիւնոսի տոհմի վարկը: Հայոց թագավորի հանդեպ ցուցաբերած նվիրվածութիւնն այս տոհմի ներկայացուցիչների առջև բացեց նոր հորիզոններ՝ ուղի հարթելով դեպի հայրապետական գահը: Հետզհետե նրանք դարձան այդ գահի հավակնորդներ՝ մրցակցելով Գրիգոր Լուսավորչի տոհմի հետ: Հենց որ վերջինիս ներկայացուցիչները Հայոց Արշակունի թագավորների համար դառնում էին անհանդուրժելի, կաթողիկոսական գահաթոռին առաջ էին քաշվում Աղբիւնոսյանները: Հայտնի է, որ Տիրան թագավորը (338 – 345) սպանել տվեց Լուսավորչի տոհմից սերած Հուսիկ կաթողիկոսին և նրան հաջորդած, ազգով ասորի Դանիելին, որից հետո նա գերադասեց կաթողիկոսական գահին բազմեցնել Աղբիւնոսի տոհմից Փառենին (Փառենբսեհ), որը թեև ուներ սոսկ երիցութեան կարգ, բայց թագավորի կամքով միանգամից նշանակվեց Հայոց հայրապետի պաշտոնում: «Յայնմ ժամանակի, – գրում է Փավստոս պատմագիրը, – համարեցան արժանի զՓառէն ոմն էրէց, ի գաւառէն Տարօնոյ, ի մեծէ մարգարէանոցէն Յովաննու, որ էր նախ շինեալ տուն աղօթից և խնդրուածոց ի հանգիստ սրբոցն, զի այն նմա էր հաւատացեալ»³²: Մովսես Խորենացին Փառենին գիտե իբրև «Փառնէրսեհ ոմն յԱշտիշատից Տարօնոյ»³³: Ինչպես հայտնի է, Աշտիշատը Լուսավորչի տան սեփականութիւնն էր: Հավանաբար, այդ հռչակավոր ավանի հետ Փառենի առնչվելու փաստն է Մ.Օրմանյանին հիմք տվել ենթադրելու, որ

²⁹ Մովսես Խորենացի, էջ 263-264, Փավստոս Բուզանդ, III, Ը, էջ 18:

³⁰ The Cambridge History of Iran, vol. 3 (1). Cambridge, 1983, p. 485.

³¹ Տե՛ս Ասորական աղբյուրներ, Ա, թարգմ., առաջաբան և ծան. Հ. Մելիքոյանի, Ե., 1976, էջ 97:

³² Փավստոս Բուզանդ, էջ 32:

³³ Մովսես Խորենացի, էջ 275:

նա ազգակցություն է ունեցել Լուսավորչի առհմի հետ³⁴։ Հնարավոր է, որ Փառենը Աշտիշատում վարում էր երեցի պաշտոնը՝ շնորհիվ Աղբիանոսյան տոհմի ձեռք բերած ազդեցության։ Բայց այդ դիրքին նա կարող էր հասնել Լուսավորչի տան հավանությամբ, ինչը միանգամայն հնարավոր էր վերջինիս հանդեպ Աղբիանոսի ցուցաբերած նվիրվածության պարագայում։ Իհարկե, Աղբիանոսյանները նախկինի պես պահպանում էին իրենց հողատիրությունները և Մանազկերտի եպիսկոպոսական աթոռը, որը մեծ դեր ուներ Հայաստանի եկեղեցական համակարգում³⁵։ Սակայն Տիրան թագավորը գերադասեց կաթողիկոս դարձնել ոչ թե Մանազկերտի առաջնորդ Աղբիանոսյանին (որը պետք է ունենար եպիսկոպոսական պաշտոն), այլ նույն տնից սերած Աշտիշատի երեցին։ Գուցե այդպիսով թագավորը կամենում էր կաթողիկոսի գահին տեսնել առավել հնազանդ և օրինակատար հոգևորականի։

Մովսես Խորենացին գրում է, որ Փառենը (Փառենրսեհր) Հայոց կաթողիկոսի գահին բազմեց «ի տասներորդ ամի Տիրանայ. որ կալաւ զաթոռն ամս չորս»³⁶։ Ըստ այդմ նա պետք է գահակալած լինի 348 – 352 թվականներին։ Փալստոս Բուզանդը գրում է, որ Տիրանը Փառենին մի քանի ականավոր նախարարների հետ ուղարկել է Կեսարիա՝ ձեռնադրվելու։ Այդ նախարարներից հիշվում են սպարապետ Վասակ Մամիկոնյանը, Մեհենդակ Ռշտունին, Անդուկկ Սյունին, Արշավիր Կամսարականը «և տասն այր այլ արք պատուականք»³⁷։ Մովսես Խորենացին Փառենի Կեսարիա մեկնելը չի հիշատակում։ Թերևս, լուսյայն համաձայնվելով Փալստոսի հետ։ Խորենացու լռությունն է, հավանաբար, հիմք դարձել Կեսարիայում Փառենի ձեռնադրության փաստը ժխտելու համար³⁸։ Սակայն Կեսարիա Փառենի մեկնելը հավաստի է։ Այն հասկանալի է դառնում տվյալ պահին Հայ-Հռոմեական մերձեցման հետնախորքի վրա։ Հայտնի է, որ Տիրանը Կեսարիա ձեռնադրվելու ուղարկեց նաև Հուսիկ կաթողիկոսին, ինչն ինքնին անուղղակի ապացույց է Տիրանի Հռոմեամետ դիրքորոշման³⁹։ Տիրանը ջանում էր ամրապնդել Հայ-Հռոմեական ռազմաքաղաքական մերձակցությունը նաև Հոգևոր-եկեղեցական հաղորդակցությամբ։ Ուստի, Հուսիկի, ապա նաև Փառենի Կեսարիա այցելելն ուներ նաև քաղաքական սուր հնչեղություն։ Իհարկե, դա չէր նշանակում, թե Հայոց եկեղեցին ենթակա է Կեսարիային։ Հայաստանն անկախ երկիր էր, նույնն էր նաև նրա եկեղեցին։ Փալստոս Բուզանդը վկայում է Տիրան թագավորի հանդեպ Փառենի հյու հնազանդ վարքագծի մասին՝ շեշտելով,

³⁴ Օրմանեան Մ., նշվ. աշխ., էջ 155։

³⁵ Markwart J., Die Entstehung der armenischen Bistümer, Roma, 1932, S. 168.

Ե.Տեր-Մինասյանը կարծում է, որ Փառենը Հարավ-արևմտյան Հայաստանում իշխող ասորական ազդեցության նշանավոր ներկայացուցիչներից մեկն էր, ուստի կարողացավ հասնել կաթողիկոսական իշխանության (տե՛ս Ե. Տեր-Մինասյան, նշվ. աշխ., էջ 42-43)։ Բայց Աշտիշատը ասորական ազդեցությանը ենթակա չէր։ Տիրանը ասորի Դանիել կաթողիկոսին սպանել տալուց հետո, քնականաբար, նոր կաթողիկոս էր կարգելու ի հակակշիռ ասորի հոգևորականության։ Բացի այդ, Աղբիանոսյան տոհմի հոգևորականներն ասորական ազդեցության կրողները չէին։ Նրանց հոգևոր հավատամքը ուներ զուտ ազգային ուղղվածություն, որով և պայմանավորված էր նրանց հավատարմությունը թագավորի. Հայրենասեր ուժերի նկատմամբ։

³⁶ Մովսես Խորենացի., էջ 275։

³⁷ Փալստոս Բուզանդ., էջ 38։

³⁸ Տե՛ս Մ. Օրմանեանի մոտ (Ազգապատում, Ա, էջ 156)։

³⁹ Մանանդյան Հ., նշվ. աշխ., էջ 157։

որ նա «ի հարկէ ընգերէր անօրէն թագաւորին, և ըստ նորին կամացն երթեալ Հնազանդեալ»⁴⁰: Մատենագիրները վկայութիւնները թույլ են տալիս կարծելու, որ Տիրան թագաւորի Հանդեպ Փառեն կաթողիկոսի դիրքավորումը մնացել է անփոփոխ նաև Հետագայում, երբ Շապուհ 11 թագաւորի դավերի Հետևանքով Հայաստանը Հայտնվեց ծանր կացութեան մեջ: Երկրի Հայրենասեր ուժերը Համախմբվեցին Հայոց թագաւորի և նրան սատարող եկեղեցու շուրջը՝ անդիջում. պայքար մղելով ոսոխի ու նրան ղորակցող Հեթանոսամետ Հայ նախարարների դեմ: Անշուշտ, այս իրողութիւնն ի նկատի առնելով, պատմագիրները Փառենին ներկայացնում են միայն դրական գծերով, մինչդեռ, նրա զեղծարար ուղիղ Հովհաննիս Փափստոսը պատկերել է որպէս բարոյական արգելափակներից զուրկ, ընչաքաղց ու մեղսական Հակումներով առկեցուն Հոգևորական⁴¹:

Տիրան թագաւորի կամքով Փառենից Հետո ևս Հայոց կաթողիկոսի գահին բազմեց Աղբիւնոսյան տան ներկայացուցիչը՝ ոմն Շահակ⁴²: Տիրանը դնահատում էր այդ տոհմի օրինապատշաճ վարքագիծը: Նա նկատի էր առնում նաև այն փաստը, որ Աղբիւնոսյանները բացի ազգային շահագրգռութիւններից, ուրիշ միտումներ չունեին և սատարում էին երկրում միաժիր ու ներդաշնակ քաղաքականութեան արմատավորմանը՝ բնավ առավելութիւն չտալով զորեղ հարևաններից որևէ մեկին: Այդ է պատճառը, որ արտաքին քաղաքական հարաբերութիւնների բեմահարթակում նրանք գրեթե չեն երևում: Ի դեպ՝ նշելի է Փափստոս պատմիչի վկայութիւնը Շահակի ընտրութեան մասին: Վերջինիս կաթողիկոս ընտրելուց Հետո «տան զնա ի ձեռս իշխանին մարդպետութեանն, որում անուն իւր Հայր կոչէր. և յաւագաց գումարէն ընդ նմա գիշխանն Գարդմանաց ձորոյն և առնէն ընդ նոսա այլ տասն նախարարս և յուղարկեցին զնա մեծաշուք պատուով յերկիրն Գամրաց ի մեծ քաղաքն Կեսարիա: Անդ ձեռնադրեն զՇահակն ի կաթողիկոսութիւն Հայոց Մեծաց»⁴³:

Այս վկայութիւնից երևում է, որ Շահակի ձեռնադրութեան պարագայում առաջատար դեր էր վերապահված Հայր մարդպետին, որը, ինչպէս Հայտնի է, Հետամուտ էր կենտրոնամետ քաղաքականութեան: Նա նաև ամեն կերպ ջանում էր ի դերև Հանել Լուսավորչի տան ազդեցութիւնը: Հասկանալի է, որ մարդպետը սատարում էր Աղբիւնոսյաններին՝ ի Հեճուկս Լուսավորչի տան: Այդ Հանգամանքը, բնականաբար, որոշակի դեր խաղաց Աղբիւնոսի ժառանգների առաջնաշման գործում: Այն, միաժամանակ, Հակադրութեան եզրեր ստեղծեց Շահակ կաթողիկոսի և Հեթանոսաբարո նախարարների միջև: Շահակը, – գրում է պատմագիրը, – «նմանեաց վարուցն Փառենայ: Առաջնորդէր սա աշխարհի ըստ նմին օրինակի: Բայց որոց Հովուէրն՝ չեղեալք ունկն ինչ խրատու ճշմարտութեանն, այլ յանդիմանեալք՝ Հոլանեալ գործէին զմեղս Համարձակութեամբ՝ առանց խիթի յամենայն չարիս դարձեալք...»: Ժողովրդի մի ստվար մասը շարունակում էր Հետևել վաղօրյա բարքերին՝ «առաջին գործոցն Հարցն իւրեանց»⁴⁴:

⁴⁰ Փափստոս Բողանդ, էջ 38:

⁴¹ Տե՛ս նույն տեղում, էջ 225 – 227:

⁴² Նույն տեղում, III, ԺԷ, էջ 39: Մովսես Խորենացին Փառենից (Փառենքահից) Հետո չի դնում Շահակին, որին կաթողիկոս է հիշում Ներսես Մեծից Հետո՝ Սահակ անունով (տե՛ս Մովսես Խորենացի, էջ 306):

⁴³ Փափստոս Բողանդ, էջ 39:

⁴⁴ Նույն տեղում:

Փափստոս Բուզանդի այս Հաղորդումից պարզ է դառնում, որ Շահակի հեղինակությունը խիստ սասանվել էր, ինչը գրում էր նաև նրա տոհմի վարկը, գիմարդկում։ Հայոց եկեղեցին, որն այլևս նախկինի պես չէր կարող հենարան ծառայել երկրի միասնությանը։ Անհրաժեշտ էր ոգեկոչել Լուսավորչի տոհմի փառապանծ ավանդներն ու կորովը։ Արշակ II թագավորը հասու եղավ այդ ճշմարտությանը և որոշեց կաթողիկոսի գահին բազմեցնել Լուսավորչի տնից սերած Ներսեսին (353 – 373), որի օրոք եկեղեցին վերստացավ իր վարկն ու ազդեցությունը։ Ասկայն 359թ. Արշակ II-ի և Ներսես կաթողիկոսի հարաբերությունները վատթարացան այն աստիճան, որ Արշակը Հայաստանի բոլոր եպիսկոպոսներին հրամայեց ժամանել Վաղարշապատ մայրաքաղաք՝ նոր կաթողիկոս ընտրելու համար։ Վերջինիս թեկնածության համար թագավորն առաջադրել էր Չոնակին։ Ասկայն, – գրում է Փափստոս Բուզանդը, – թագավորի հրամանին անսացին քչերը։ «Եւ ոչ մի ոք ոչ հաւանեաց դալ, բայց միայն Աղձնեաց և Կորդուաց եպիսկոպոսք եկին, և զՉոնակն ձեռնադրեցին կաթողիկոսութիւն ըստ հրամանի թագաւորին»⁴⁵։ Պատմագիրը Չոնակին ընտրուում է որպես «ստրուկ ի ստրկաց արքունի»⁴⁶, կամենալով, թերևս, չեչտել թագավորի հանդեպ նրա ծառայական ու տիրասեր բնավորությունը։ Չոնակը, հավանաբար, ծաղրական մականուն էր⁴⁶, և այն կրողը նույն Շահակ Աղբիանոսյանն էր⁴⁷։ Անընդունելի է այն տեսակետը, որ իբր հայ եպիսկոպոսները հրաժարվել են Չոնակին ձեռնադրել, քանի որ չեն կամեցել խախտել Կեսարիայի Հայրապետական աթոռի նկատմամբ իրենց ունեցած հավատարմությունը⁴⁸։ Տվյալ պահին արծարծվում էր ոչ թե Կեսարիայի մետրոպոլիտության հետ հայ եպիսկոպոսների ունեցած առնչությունների խնդիրը, այլ բոլորի մտքերը հուզող Ներսես կաթողիկոսի շնորհազրկման, եկեղեցու հանդեպ թագավորի կոշտ դիրքավորման հարցը, որը հարուցել էր հոգևոր վերնախավի ընդդիմությունը։

Ընդհանուր դժգոհության այլքի վրա տարուբերվող Շահակը Ներսեսի կենդանության ժամանակ մնաց ստվերում։ Համակերպվող էր և զուսպ։ «Էր Չոնակն այր զգօն, և ոչ ինչ ունէր լեզու յանդիմանութեան կամ խրատու, այլ հաւանեալ էր թագաւորին զինչ և նա գործիցէ», – գրում է Փափստոսը⁴⁹։ Ասկայն վերահաս իրադարձությունները Արշակ թագավորին հարկադրեցին վերանայել իր քաղաքականությունը Հայոց եկեղեցու հանդեպ։ Շապուհ II-ի աշխարհավեր արշավանքների ժամանակ վերստին եկեղեցու գլուխ կանգնեց Ներսես Մեծը՝ սատար կանգնելով Հայոց եղբրաբարտ արքային, Հայրենասեր ուժերին։ Քանի որ Շահակը (Չոնակը) օրինապահ էր թագավորի հանդեպ, ուստի բացառվում էին Ներսեսի և նրա միջև սուր հակասությունները և, հնարավոր է, որ ահաջառնչ այդ տարիներին նրանք համադաշն ջանքերով պաշտպանում էին Արշակ II-ին և նրա յուրջը համախմբված նախարարներին։ Շահակի դիրքավորումը կարող էր նպաստել Ներսես Մեծից հետո կաթողիկոսական գահաթոռին Աղբիանոսյանի առաջաջմանը։ Հարկավ, Ներսեսի մահվանից հետո՝ 373թ. Հայոց կաթողիկոս է հիշվում Հուսիկ Աղբիանոսյանը։ Վերջինիս ընտրության գործում կարող էր

⁴⁵ Փափստոս Բուզանդ, էջ 105:

⁴⁶ Markwart J., Die Entstehung der armenischen Bistümer, S. 222.

⁴⁷ Տե՛ս Օրմանեան Մ., նշվ. աշխ., էջ 187:

⁴⁸ Տե՛ս Հացունի Վ., Կարևոր խնդիրներ Հայ եկեղեցու պատմութենէն, Վենետիկ, 1927, էջ 197:

⁴⁹ Փափստոս Բուզանդ, էջ 105:

որոշակի դեր խաղալ նաև այն հանգամանքը, որ Հուսիկ եպիսկոպոսը եղել էր Ներսես Մեծի տեղապահը և Պապ թագավորի կամքով կարգվելով կաթողիկոս, հավատարիմ մնաց իր նախորդի պատվիրաններին, իրեն դրսևորեց որպես օրինապահ առաջնորդ՝ «այր գովելի և լի առաքինությամբ և բարեկարգութեամբ կրօնի»⁵⁰։ Փափստոս Բուզանդը, որ թունոտ վերաբերմունք ունի Պապ թագավորի նկատմամբ, նշում է, որ նա Ներսեսի մահվանից հետո կաթողիկոս նշանակեց Հուսիկ եպիսկոպոսին, «որ էր ի գաւակէ Ագբիանոս եպիսկոպոսին Մանագեկերտոյ։ Ետ հրաման ունել նմա գտելի Հայրապետացն, իշխել փոխանակ նորա՝ զոր սպան»⁵¹։

Մովսես Խորենացին Ներսես Մեծի հաջորդ է հիշում Աղբիւնոսի ժառանգներից Սահակին՝ նրան բնութագրելով դրական գծերով։ Պատմիչը նաև շեշտում է առանց Կեսարիայի Հայրապետի մոտ ուղարկելու նրան Հայոց կաթողիկոս նշանակելու հանդամանքը⁵²։ Հավանաբար, Հուսիկ անունը Իսահակ անվան աղավաղված ձևն է⁵³։ Ըստ այդմ, Սահակ ասելով՝ Խորենացին հարկ է որ նկատի ունենար Հուսիկին։ Գուցե, Սահակ անունը Հուսիկ կաթողիկոսի աշխարհական անունն էր։ Մ.Օրմանյանը Ներսեսի հաջորդ է գնում Շահակին՝ այդ անունը համարելով «Սահակ»-ի ասորական այլաձևությունը⁵⁴, որը, սակայն, չի վկայված աղբյուրներում⁵⁵։

Հուսիկը նախանձախնդիր էր Պապ թագավորի վարած քաղաքականության, համակերպվող էր, դյուրաթեք ու օրինապահ։ Հուսիկը, - հավաստում է Փափստոս պատմագիրը, - «ըստ կամաց թագաւորին միայն ունէր զպատին, և կայր ի լուծեան և ի հանդարտութեան զամենայն աւուրս կենաց իւրոց»⁵⁶։ Նրա օրոք Պապն անկաշկանդ իրականացրեց իր եկեղեցական բարեփոխումները՝ տնտեսապես թուլացնելով և պետությունը ստորադասելով եկեղեցին։

Պապը Հուսիկին թույլ չտվեց ձեռնադրվելու համար մեկնել Կեսարիա, ինչը բացասաբար ընդունվեց վերջինիս մետրոպոլիտի կողմից, որը փութապես հրավիրեց իրեն ենթակա եպիսկոպոսների ժողով և Հուսիկին կարգաթող անել տվեց՝ զրկելով թե կաթողիկոսի և թե եպիսկոպոսների ձեռնադրելու իրավունքներից։ «Յայնմ հետէ, - գրում է պատմագիրը, - բարձաւ իշխանութիւն յերկրէն Հայոց, այնուհետև ոչ իշխէին եպիսկոպոսք ձեռնադրել»։ Նույն այդ ժողովի վճռով Հուսիկը լուրջ պետք է ունենար Հայոց թագավորի սեղանի հացը օրհնելու իրավունք, իսկ Հայաստանի հոգևոր այրերը եպիսկոպոսական կարգ ստանալու համար պետք է ձեռնադրվեին Կեսարիայում⁵⁷։

Սակայն ժողովի վճիռները կանոնական ուժ չունեցան Հայոց եկեղեցու համար և չկարողացան կարգալուծ անել Հուսիկին։ Փաստորեն, Կեսարիայի աթոռն ի գորու չեղավ բեկանել Հայոց թագավորի հանած վճիռը։ Հուսիկը Հայոց Հայրապետի պաշտոնը թողեց Պապի կամքով։ Այդ փաստը Հայոց եկեղեցու վրա

⁵⁰ Տե՛ս Սոփեբք Հայկականք, է, Վենետիկ, 1853, էջ 27։

⁵¹ Փափստոս Բուզանդ, էջ 190։

⁵² Մովսես Խորենացի, էջ 190։

⁵³ Մանանդյան Հ., նշվ. աշխ., էջ 217, ծ. 2։

⁵⁴ Օրմանյան Մ., Ագրապատում, Ա, էջ 223 - 224։

⁵⁵ Հմմտ. Աճառյան Հ., Հայոց անձնանունների բառարան, Դ, Ե., 1948, էջ 103, 348։

⁵⁶ Փափստոս Բուզանդ, V, ԻԹ, էջ 190 - 191։

⁵⁷ Նույն տեղում։

Կեսարիայի մետրոպոլիտության կանոնական իրավունքները չտարածվելու ցայտուն վկայությունն է: Պապը Հուսիկի փոխարեն կաթողիկոս կարգեց մեկ այլ հոգևորականի՝ Փավստոս անունով, իհարկե, ի հակակշիռ Կեսարիայի աթոռի: Պապը ձեռնադրվելու համար Փավստոսին ուղարկեց Կապադովկիայի մյուս հովվապետի՝ Անթիմոս մետրոպոլիտի մոտ, որի հարաբերությունները Կեսարիայի աթոռի հետ հույժ լարված էին: Անթիմոսը սիրահոժար Հայոց կաթողիկոս ձեռնադրեց Փավստոսին, որի Հայրապետությունը կարճատև եղավ, քանի որ Պապի սպանվելուց հետո Հայաստանի հոգևորականության կամքով Հայոց կաթողիկոս դարձավ Կյուրեղը՝ ձեռնադրվելով Կեսարիայի Բարսեղ մետրոպոլիտի կողմից⁵⁸: Այդպիսով, վերականգնվեցին Կեսարիայի աթոռի և Հայ առաքելական եկեղեցու միջև եղած ծիսադավանական առնչությունները:

Մոտավորապես 377թ. Հայոց կաթողիկոսի գահին վերստին տեսնում ենք Աղբիսանոսյանի՝ Զավեն անունով (377-380): «էր Զաւէնս այս անուանի զաւակ Աղբիսանոս եպիսկոպոսի՝ ի գեղջէ Մանաւազակերտոյ», - դրում է Փավստոս պատմիչը՝ ավելացնելով նաև, որ «էր սա բարոյիւք այր չարարար խիստ», քանզի նա բոլոր քահանաներին սովորեցրեց կրել մինչև ծնկները հասնող զինվորական զգեստներ և մեծագին մուշտակներ՝ դրանք զարդարելով «պէսպէս նարօտօք»: Պատմագրի Հավաստմամբ, «սիգային որպէս ոչ վայել էր. և զմորթ մեռելոտիս զազանացն քահանայքն անխտիր ագանէին»⁵⁹: Ենթադրվում է, որ Զավենի կատարածը բնավ նորաձևություն չէր, այլ հեթանոսական Հայաստանի քրմության ազգային այն տարազի վերականգնումը, որը կրում էին նաև Հայոց առաջին Հայրապետները մինչև Ներսես Մեծը⁶⁰: Բայց Փավստոսը գրում է, որ Զավենի օրոք Հայ քահանաները այլևս չէին հագնում այնպիսի զգեստներ, «որպէս օրէն էր ի բնէ»⁶¹, հրաժարվելով Հայ եկեղեցու Հայրերի կրած համազգեստից: Ուրեմն, ի սկզբանե Հայ եկեղեցականները կրել են այլ տեսակ զգեստներ, որոնք մերժվել են Զավենի կամքով⁶²: Գուցե Զավենը, հոգևորականությանը աշխարհիկ զգեստներ պարտադրելով, կամեցել է արտաքին տեսքով տարբերել նրանց օտար եկեղեցիների սպասավորներից՝ հանդերձները օժտելով ազգային վաղեմի հատկանիշներով:

Զավենից հետո Հայոց կաթողիկոսի պաշտոնում հիշվում է ևս մեկ Աղբիսանոսյան՝ Ասպուրակեսը (381 - 385), որը Փավստոս Բուզանդի հավաստմամբ, Հայոց թագավոր Խոսրով IV Արշակունու օրոք առաջնորդում էր Հայոց եկեղեցին՝ պահպանելով Զավենի ներմուծած եկեղեցական համազգեստը: Ըստ երևույթին, Հայոց թագավորը և սպարապետը դեմ չէին դրան: Պատմագիրը Ասպուրակեսին հիշում է իբրև «քրիստոնէամիտ, աստուածապաշտ, արդար» այր⁶³:

Ասպուրակեսի օրոք Կոստանդնուպոլսում 381թ. կայացավ քրիստոնեական եկեղեցիների երկրորդ տիեզերաժողովը, որին Հայ եկեղեցին պատվիրակներ

⁵⁸ Գեղցեր Հ., Փավստոս Բիւզանդ կամ Հայկական եկեղեցւոյ սկզբնաւորութիւն, Վենետիկ, 1896, էջ 132 - 133:

⁵⁹ Փավստոս Բուզանդ, էջ 223:

⁶⁰ Տե՛ս Գեղցեր Հ., նշվ. աշխ., էջ 97: Հեղինակի կարծիքով, քանի որ Գրիգոր Լուսավորչի նախնիք Արշակունի տան «կողմնակի» ճյուղն էին, ուստի եղել էին Մեծ Հայքի քրմապետներ (նույն տեղում, էջ 103 - 104): Սակայն այս կարծիքը չի ապացուցվում:

⁶¹ Փավստոս Բուզանդ, էջ 223:

⁶² Հմմտ. Տէր-Մինասյան Ե., նշվ. աշխ., էջ 46 - 47:

⁶³ Փավստոս Բուզանդ, էջ 224:

չուղարկեց: 379 թվականից թեոդորոս I կայսրը քրիստոնեությունը հռչակեց Արևելյան Հռոմեական կայսրության պաշտոնական դավանանք, որից հետո Արևելքի (հատկապես Պարսկաստանի) քրիստոնյաները Սասանյանների կողմից անհիմն մեղադրվեցին իրենց ախոյան կայսրության հետ գաղտնի, դավադիր կապեր ունենալու մեջ⁶⁴: Ստեղծված պայմաններում, հավանաբար, Ասպուրակեսը գերադասեց ձեռնապահ մնալ տիեզերաժողովին մասնակցելուց, որպեսզի չհարուցի հզոր հարեանի կասկածներն ու թշնամանքը: Սակայն նա չխզեց ծիսադավանական հաղորդակցությունը Արևմուտքի եկեղեցիների հետ, ընդունեց տիեզերաժողովի հաստատած դավանական կանոնները:

Ենթադրվում է, որ 428թ. Սահակ Պարթևի գահընկեցությունից հետո Պարսից Վուսթ V արքայի կամքով Հայոց կաթողիկոս նշանակված Սուրմակ երեցը Աղբիւնոսյան էր⁶⁵: Բայց Սուրմակին հիշող Մովսես Խորենացին և Ղազար Փարպեցին բնավ չեն նշում, որ նա Աղբիւնոսի տոհմից էր: Ղազար Փարպեցին նրան համարում է «ի գաւառէն Բզնունեաց ի գեղջէն որ կոչի Արծկէ, ի տոհմէ քահանայից գաւառին»⁶⁶: Բայց դժվար է ասել, թե պատմագիրն իրոք նկատի ունի Աղբիւնոսյանի: Սովորաբար պատմագիրները Աղբիւնոսյանների տոհմական ոստան են համարում Մանազկերտը՝ հարակից գավառով, անպայման շեշտելով տոհմի բնակավայրի, նրա նախնու անունը, ինչը չենք տեսնում Սուրմակի պարագայում: Ուստի դժվար է համաձայնվել նրան Աղբիւնոսյան համարելու ենթադրության հետ:

450 - 451թթ. ժողովրդաազատագրական պատերազմի ժամանակ Աղբիւնոսյանները չեզոք դիրք զբաղեցին: Նրանցից Մեղետը (Մելիտեն), որ հետո նստեց Հայոց կաթողիկոսի գահին, մասնակցեց 449թ. Արտաշատի ժողովին: Եղիշեն ժողովական 18 եպիսկոպոսների մեջ երրորդ տեղում (Հովսեփ կաթողիկոսից և Տարոնի Սահակ եպիսկոպոսից հետո) հիշում է «Մեղէտ եպիսկոպոս Մանազկերտոյ», որը Փարպեցու մոտ հինգերորդ տեղում է⁶⁷: Հավանաբար, այս տոհմից սերած հոգևորականության չեզոք վարքագծի պատճառով էր, որ Սասանյան արքունիքը համաձայնվեց, որպեսզի ազատագրական շարժման առաջնորդներից մեկին՝ Հովսեփ կաթողիկոսի մահապատժից հետո նրա գահը ժառանգեն Աղբիւնոսյաններ Մելիտեն և Մովսեսը: «Յետ կատարման սրբոյ կաթողիկոսին Յովսեփայ յաջորդեաց զկաթողիկոսութիւնն յաշխարհիս Հայոց տէր Մելիտէ, որ էր յազգէն Մանազկերտեցեացն. և զհետ նորա տէր Մովսես, որ էր և նա ի նոյն ազգէն»⁶⁸, - գրում է Ղազար Փարպեցին:

Մարզպանության ժամանակաշրջանում նույնպես Աղբիւնոսյանները նախկինի պես խորշում էին ծայրահեղ միջոցներից: Նրանք որդեգրեցին զգուշավոր

⁶⁴ The Cambridge History of Iran, vol. 3(1), p. 499.

⁶⁵ Տե՛ս Օրմանեան Մ., Ազգապատում, Ա, էջ 304, Հայ ժողովրդի պատմություն (բազմահատորյակ), հ. II, Ե., 1984, էջ 167 - 168:

⁶⁶ Ղազարայ Փարպեցւոյ Պատմութիւն Հայոց, Թուղթ առ Վահան Մամիկոնեան, աշխ. Գ. Տէր-Մկրտչեանի և Ստ. Մալխասեանցի, Տփղիս, 1904, I, ԺԴ, էջ 23:

⁶⁷ Տե՛ս Եղիշէի Վասն Վարդանայ և Հայոց աւտերազմին, աշխ., Ե. Տեր-Մինասյան, Ե., 1957, էջ 27, Ղազար Փարպեցի, էջ 44:

ուղին և, հեռու մնալով քաղաքական վայրիվերումներից, պահպանեցին չեզոք վարքագիծը: Ենթադրվում է, որ Վասակ Սյունեցու կողմնակից հոգևորականները ասորամետ հոսանքի ներկայացուցիչներ էին, որոնք 450 - 451թթ. ժողովրդական պատերազմից հետո հենարան դարձան Մելիտե և Մովսես Աղբիանոսյաններին⁶⁹: Դժվար է, անշուշտ, նման տեսակետի հետ համաձայնվելը: Նախ, հնարավոր է, հիմնավորել հեղինակի այն կարծիքը, թե իբր Վասակ Սյունեցու կողմնակից քահանաները պատկանում էին ասորական հոսանքին: Բացի այդ, ժողովրդական պատերազմի ընթացքում Հայոց եկեղեցու սպասավորները պաշարի հորձանուտների մեջ նետվեցին ոչ թե այն պատճառով, որ պատկանում էին ասորականին ներհակող հունասեր հոսանքին, այլ որովհետև հետամուտ էին ազգային-կրոնական և հայրենասիրական շահախնդրությունների: Նշելի է նաև այն փաստը, որ Վասակ Սյունեցու կամակատար հոգևորականները, ինչպես հավաստում է Ղազար Փարպեցին, այունեցի էին և այն էլ ընդամենը 2 - 3 հոգի, որոնք Վասակի թելադրանքով բնակչության մեջ տարփողում էին Հազկերտ արքայի կողմից քրիստոնեական հավատն ազատ դավանելու մասին հայերին ուղղված ներման հրովարտակը⁷⁰: Եղիշեն վկայում է, որ ազատագրական պատերազմից հետո Հայաստանի մարզպան նշանակված Ատրորմիզդ Արշակունը (Արշակունին) Հայաստանում ստեղծված կացութայնը ծանոթանալու համար իր մոտ հրավիրեց ազատագրական պատերազմին մասնակցած ականավոր հոգևորականների և նրանցից ստանալով իրեն հետաքրքրող տեղեկությունները Հայաստանի կացութայն մասին՝ դրանք հաղորդեց Հազկերտ արքային⁷¹: Ատրորմիզդը հասկանում էր, որ ազատագրական պատերազմից հետո հայ եկեղեցականների ընդլվզում ներկայացուցիչները պահպանում են իրենց բարձր հեղինակությունը ժողովրդի ամենալայն խավերում: Եղբրամահ Հովսեփ հայրապետի, Լևոնդ երեցի և նրանց կուսակիցների հետևորդներն էին տոն տալիս Հայաստանի հոգևոր-եկեղեցական կյանքին: Բնականաբար, Աղբիանոսյան տնից սերած կաթողիկոսները պետք է, հենվեին ժողովրդի հարգանքը վայելող հոգևորականների և ոչ թե մի քանի ուխտազանցների վրա: 450 - 451թթ. ազատագրական պատերազմից հետո Աղբիանոսյանները շարունակեցին իրենց զգուշավոր և իշխանությունների հանդեպ օրինապահ ուղեգիծը: 481թ. բռնկված ազատագրական պատերազմում նրանք չեն հիշվում: Այնուհետև, Աղբիանոսյանները ընդմիշտ վերանում են Հայաստանի եկեղեցական կյանքի հորիզոնից⁷²:

⁶⁹ Ղազար Փարպեցի, էջ 110:

⁷⁰ Տես Պյոտրակովսկի, Զինգերորդ դարի Հայոց կրոնական և քաղաքական շարժումները, Բեյրութ, 1947, էջ 138:

⁷¹ Ղազար Փարպեցի, էջ 68:

⁷² Եղիշեն, էջ 129 - 130:

⁷³ Մ. Օրմանյանը (Ազգապատում, Ա, էջ 517 - 518) Աղբիանոսյան է համարում նաև 516 - 526թթ. քահակալած Սամուել Արծկեցի կաթողիկոսին: Սակայն վերջինիս հիշող Հայ մատենագիրները (Հովհ. Դրասխանակերտցի, Ասողիկ, Վարդան Արևելցի, Կիրակոս Գանձակեցի և ուրիշներ) ոչինչ չեն հաղորդում Աղբիանոսյան տնից նրա սերելու մասին:

ПАТРИАРШИЙ РОД АЛБИАНОВ

ВАРДАНЯН В.М.

Резюме

Род Албианов своими корнями восходит к жрецу Албиану, который с 301 года стал сподвижником Григора Просветителя. На протяжении IV – V вв. его потомки, соперничая с родом Григора Просветителя, играли огромную роль в христианизации Армении и ее историко-культурном развитии. Выражая национальные интересы Армении, албианы способствовали сохранению структуры и вероучения Армянской апостольской церкви. Будучи лояльными в отношении аршакидских царей, они добились их поддержки. Хотя и при албанских католикосах авторитет армянской церкви несколько снизился, но в какой-то мере наладились взаимоотношения светской и церковной властей, что способствовало внутренней стабильности страны.